

Ändlich bisch dü da! (Zirkuslied zur Melodie Kawasaki – Hecht)

Hesch ghert d Schuäl Erstfeld freit sich mega ufä Zirkus
Mit Wartä isch ez ändlich ändlich Schluss
He ändlich bisch dü da bi iis
Dr Zirkus staht gratt näb dr Riis
Balloni säg iis was nu alles mitmuss

D Schuäl Erstfeld freit sich mega ufä Zirkus
Mit Wartä isch ez ändlich ändlich Schluss
He ändlich bisch dü da bi iis
Dr Zirkus staht gratt näb dr Riis
Balloni säg iis was nu alles mitmuss

Mathehusi nid so mis Ding
Friäh ufstah nid so mis Ding
Für Prüfigä lernä nid so mis Ding
Nur ei Satz

Refrain

Uf mim Schuälplatz muss dr Zirkus stah
Mit Zirkuszelt und allem drum und dra HURRAH
Uf mim Schuälplatz muss dr Zirkus stah
Mit Zirkuszelt und allem drum und dra HURRAH
Scheen bisch dü ändlich da ändlich da ändlich da
Scheen bisch dü ändlich da ändlich da ändlich da


Vilicht e Clownnummer zum Briälä oder Lachä
Oder wettsch dü ebbä liäber z Redli machä
Iär settet nid diä Show verpassä
Mitmachä dent alli Klassä
Sicher lemers ii dr Manege lah krachä

Mathehusi nid so mis Ding
Friäh ufstah nid so mis Ding
Für Prüfigä lernä nit so mis Ding
Nur ei Satz
Dü seisch du hättsch nu gärn ä chli Popcorn
Iserä Vorrat länget sicher nu bis morn

Refrain

Uf mim Schuälplatz muss dr Zirkus stah
Mit Zirkuszelt und allem drum und dra HURRAH
Uf mim Schuälplatz muss dr Zirkus stah
Mit Zirkuszelt und allem drum und dra HURRAH
Scheen bisch dü ändlich da ändlich da ändlich da
Scheen bisch dü ändlich da ändlich da ändlich da
Scheen bisch dü ändlich da ändlich da ändlich da
Scheen bisch dü ändlich da ändlich da ändlich da

Zirkus Balloni



Link Karaokeversion: <https://midifiles.com/fr/instrumental-mp3-karaoke-video-midi-karaoke/hecht/kawasaki-hecht-instrumental>